



МОНГОЛ УЛС
ДУНДГОВЬ АЙМГИЙН ЗАСАГ ДАРГЫН
ЗАХИРАМЖ

2017 оны 09 сарын 29 өдөр

Дугаар А/333

Мандалговь

2017 оны II ээлжийн цэрэг татлага
явуулах тухай

"Батлан хамгаалах тухай хууль"-ийн 17 дугаар зүйлийн 1-ийн 4, "Цэргийн албаны тухай хууль"-ийн 12, 13 дугаар зүйл, Монгол Улсын Засгийн газрын 2017 оны мн/52 дугаар тогтоол, Зэвсэгт хүчний Жанжин штабын даргын 2017 оны н/80 дугаар тоот тушаалыг тус тус үндэслэн ЗАХИРАМЖЛАХ нь:

Нэг. Цэрэг татлагын товчоог дараах бүрэлдэхүүнтэйгээр байгуулсугай.

Товчооны дарга: Ц.Эрдэнэсүрэн	АЗДТГ-ын дарга
Орлогч дарга: Б.Амаржаргал	Цэргийн штабын дарга, хурандаа
Нарийн бичгийн дарга: Г.Цэрэндолгор	ЦШ-ын тоо бүртгэлийн офицер
Гишүүдэд: Х.Жаргал Ш.Гансүх	Нэгдсэн эмнэлгийн ерөнхий эмч ЦШ-ын ОНХ, сургалтын офицер

Хоёр. 2017 оны хоёрдугаар ээлжийн цэрэг татлагыг 10 дугаар сарын 06-13-ны өдрүүдэд Дэлгэрцогт, Дэрэн, Цагаандэлгэр, Говь-Угтаал, Баянжаргалан, Өндөршил, Гурвансайхан, Өлзийт, Сайнцагаан сумдад зохион байгуулалтын өндөр түвшинд явуулсугай.

Гурав. Цэрэг татлагын товчоонд даалгах нь:

- Цэрэг татлагын товчоог тогтоосон хугацаанд зохион байгуулалтын өндөр хэмжээнд ажиллуулан явуулж, ЗХЖШ-аас өгсөн хяналтын тоог биелүүлэх
- Цэрэгт татагдагчдын болон бусад иргэдийн өргөдөл, гомдлыг холбогдох хуулийн дагуу хянан, шуурхай шийдвэрлэх
- Цэрэг татлагын үед иргэний үүргээ биелүүлээгүй иргэд, албан тушаалтанд хуулийн дагуу арга хэмжээ тооцож ажиллах
- Засгийн газраас тогтоосон хяналтын тоонд багтаан цэргийн албыг биеэр дүйцүүлэн хаах иргэнийг сонгон авах
- 1971-1991 оны цэргийн албыг ямар нэгэн төрлөөр хаагаагүй залуучууд болон түүнээс дээш насны залуучуудыг "УИХ-ын 33 дугаар тогтоол"-ын дагуу мөнгөн төлбөрийн хэлбэрээр орлуулан дүйцүүлэн хаалгах төлбөрийн хэмжээг тооцож мөнгөн төлбөрийг төлүүлэх
- Зэвсэгт хүчний Жанжин Штабаас өгсөн хяналтын тооны дагуу гэрээт цэргийг журмын дагуу сонгон авах
- Цэргийн насны залуучуудад "Бичиг үсгийн боловсролыг дээшлүүлэх" талаар авсан арга хэмжээ, сургалт явуулсан тухай тайланг сумдын Ерөнхий

0200908

боловсролын сургуулийн албан бус сургалтын ажилтанаас, урд онуудад цэрэг татлагын товчоогоор орж өвчний улмаас чөлөөлөгдсөн залуучуудын өвчлөл, тэдгээрийг эрүүлжүүлсэн тухай тайланг хүн тус бүрээр сумдын ЭМТ-ийн ерөнхий эмч нараар гаргуулан авах

Дөрөв. Сумдын Засаг дарга нарт даалгах нь:

- а. Цэрэг татлага явуулах байрыг заавар, журмын дагуу бэлтгэх
- б. Цэрэг татлагын товчоогоор орох цэргийн насны иргэдэд зарлан дуудах мэдэгдэлийг албан ёсоор хүргүүлж, цэргийн насны залуучуудыг бүрэн хамруулах ажлыг зохион байгуулах
- в. Цэргийн албанд тэнцэгсэдийн анкетан дахь асуултыг үнэн зөв, бүрэн гүйцэд хөтлөх, цэргийн жинхэнэ албанд татагдагчийг холбогдох бичиг баримттайгаар тогтоосон өдөр, цагт цэрэг татлагын байранд бэлэн байлгах
- г. Цэрэг татлагыг тасалсан, мөнгөн төлбөр төлөөгүй иргэдэд хуулийн дагуу арга хэмжээ авах

Тав. Цэрэг татлагын байранд ажиллах албан тушаалтнуудыг нэгдүгээр хавсралтаар, цэрэг татлага явуулах хугацааг хоёрдугаар хавсралтаар, зардлын төсвийг эдийн засгийн тооцоонуудын хамт гуравдугаар хавсралтаар тус тус баталсугай.

Зургаа. "Цэргийн албаны тухай хууль"-ийн 12 дугаар зүйлийн 9 дахь заалтыг үндэслэн цэрэг татлагын үйл ажиллагааны зардал 5.184.710 /Таван сая нэг зуун наян дөрвөн мянга долоон зуун арван/ төгрөгийг 2017 оны батлагдсан төсвөөс гарган зарцуулахыг аймгийн Засаг даргын Тамгын газрын даргад /Ц.Эрдэнэсүрэн/ зөвшөөрсүгэй.

Долоо. Цэрэг татлагын товчооны албан ажлын хэрэгцээнд суудлын автомашин гаргаж үйлчлүүлэхийг аймгийн Засаг даргын Тамгын газрын даргад /Ц.Эрдэнэсүрэн/, сумдын цэргийн цэргийн насны залуучуудад нарийн мэргэжлийн эмч нарын үзлэг хийх бүрэлдэхүүнийг цэргийн штабын захиалгын дагуу унааны хамт гаргахыг Нэгдсэн эмнэлгийн ерөнхий эмчид /Х.Жаргал/ тус тус үүрэг болгосугай.

Найм. Цэрэг татлагын үеэр сумдад болон аймгийн төвд гэмт хэрэг, осол зөрчил гаргахаас урьдчилан сэргийлэх ажил зохион байгуулахыг Цагдаагийн газрын даргад /цагдаагийн хурандаа М.Ганбаатар/ даалгасугай.

Ес. "Нийтийн албанд нийтийн болон хувийн ашиг сонирхлын зөрчлийг зохицуулах, ашиг сонирхолын зөрчлөөс урьдчилан сэргийлэх тухай хууль"-ийн хэрэгжилтийг ханган ашиг сонирхлын зөрчлөөс урьдчилан сэргийлж ажиллахыг цэрэг татлагын товчоонд даалгасугай.

ЗАСАГ ДАРГЫН ОРЛОГЧ



Ж МӨНХЧУЛУУН